

conferendi facultatē tribuit. Ea .n. puto beneficia ¹ dici : quæ nobis omnibus natiua & perpetua ipse Deus infundit. Nam quis mortaliū uitam, ingeniū, uirtutem, ceteraq; bonæ uoluptatis oblectamenta conferre nobis potuit, nisi Deus? Cuius equidē beneficio, & si minime dignus uideor : tamen ut tanti muneris & gratiæ memor essem. Christo Optimo Maximo hanc meam musam uelut prælibatum pomum profugum primitiis Deo sacratum dicare pro uoto pium existimaui : Vt perinde bonis auspiciis lusus mei meorumq; studiorum oblationes ad Sextum Adrianum Pontificem Summum, Christianæ religionis columē, bonarumq; litterarum tutum emporium, procedant : ac benigne ab ² eo suscipiantur.

AD ADRIANVM SEXTVM PONT. MAX. (f. 2 v°).
mittitur musa, Georgii Scleza Creteñ.

SVrgè age sume lyram, & dubitantis pelle timorem
Fata aderunt cernes iam meliora tibi.
Pone animum tristem : & lætum ³ concipe uultum
Pecte caput nitidum uentilet aura comam,
Cyclade sic uestita tua : sic tecta tyara
Qualis lauriferas concomitare Deas.
Adrianumq; petas : summum pietatis alumnum
Pontificem, cuius Sidera fama ferit.
Neue hunc gemmifera rutilantem ⁴ forte corona
Extimeas : facilem se dabit ille tibi.
Non ex Germanis quisq; est clementior illo.
Non est, qui tantum conferat ingeniis
Si dextram dederit, tu protinus oscula dextræ
Porrigit : & sacras sic reuerere manus.
Poplite dehinc flexo pertenta pollice neruos :
Et primum plectro sic modulare nouo.
Salue diue Pater : Salue spes unica mundi
Salue : afflictorum mite patrocinium.

-
1. Original : benefa.
 2. Original : a.
 3. Original : lætum.
 4. Original : rutilate.

